

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 19. stav 1. tačka 2), člana 21. stav 4. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16) i člana 9. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24), na prijedlog Ministarstva finansija, Vlada Zeničko-dobojskog kantona, na svojoj 28. sjednici održanoj 24.05.2024. godine, donosi

ODLUKU

o pokretanju procedure dugoročnog kreditnog zaduženja Zeničko-dobojskog kantona u 2024. godini

Član 1.

(Pokretanje procedure dugoročnog kreditnog zaduženja)

Pokreće se procedura dugoročnog kreditnog zaduženja Zeničko-dobojskog kantona u 2024. godini u iznosu od 5.000.000,00 KM (slovima: pet milionakonvertibilnih maraka i 00/100 KM), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi za izradu javnog poziva - uslovi kreditnog zaduženja)

(1) Provođenje postupka javnog poziva za izbor najpovoljnije ponude za pružanje usluga dugoročnog kreditnog zaduženja Zeničko-dobojskog kantona u 2024. godini, u svrhu finansiranja budžetskog deficita Kantona vršit će se u skladu sa sljedećim uslovima (osnovnim elementima):

- a) iznos glavnice duga – iznos kredita u visini od 5.000.000,00 KM (slovima: pet milionakonvertibilnih maraka i 00/100 KM),
- b) rok otplate kredita od 48 mjeseci (u koji nije uključen grace period),
- c) grace period: do 31.07.2025. godine (ne uračunat u rok otplate),
- d) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javnog poziva,
- e) sredstvo obezbjeđenja: mjenice (bez hipotekarnog obezbjeđenja),
- f) svrha zaduženja: finansiranje budžetskog deficita Zeničko-dobojskog kantona,
- g) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH („Službene novine Federacije BiH“, broj: 86/07, 24/09, 44/10 i 30/16) i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23) i Zakonom o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24),
- h) uvjeti otplate: kvartalna otplata,
- i) mogućnost zajedničkog učešća: dozvoljena,
- j) pretpostavljeni rok povlačenja sredstava: 31.07.2024. godine.
- k) kamatna stopa fiksna, efektivna do 4% (EKS),
- l) okvirna vrijednost ugovora (ukupan iznos kamata sa svim drugim troškovima kredita izraženim u KM za cijeli period otplate kredita) u iznosu do maksimalno 570.000,00 KM.

Član 3.

(Provođenje procedure javnog poziva)

(1) Daje se saglasnost Ministarstvu finansija Zeničko-dobojskog kantona da na web stranici Vlade Zeničko-dobojskog kantona objavi Javni poziv za izbor najpovoljnije ponude za pružanje usluga dugoročnog kreditnog zaduženja Zeničko-dobojskog kantona u 2024. godini u visini od 5.000.000,00 KM, u skladu sa osnovnim elementima (uvjetima) za izradu javnog poziva iz člana 2. ove odluke.

(2) Ovlašćuje se ministar Ministarstva finansija Zeničko-dobojskog kantona da svojim rješenjem imenuje Komisiju za provođenje postupka javnog poziva dugoročnog kreditnog zaduženja Zeničko-dobojskog kantona u 2024. godini, koja ima pravo na naknadu za učešće u radu u skladu sa Uredbom Vlade Kantona o osnivanju komisija, a čiji zadatak će biti provođenje postupka javnog poziva, u skladu sa osnovnim elementima (uvjetima) za izradu obavještenja o javnom pozivu iz člana 2. ove odluke.

(3) Zadužuju se Ministarstvo finansija Zeničko-dobojskog kantona i Služba za zajedničke poslove Zeničko-dobojskog kantona, da u skladu sa svojim nadležnostima pruže potrebnu stručnu i tehničku pomoć Komisiji za provođenje postupka javnog poziva dugoročnog kreditnog zaduženja Zeničko-dobojskog kantona u 2024. godini.

Član 4.

(Dostavljanje konačne odluke/a o zaduženju)

Zadužuje se Ministarstvo finansija Zeničko-dobojskog kantona da nakon okončane procedure javnog poziva i utvrđivanja konačnih uslova kredita (kamatna stopa, naziv najpovoljnijeg/ih ponuđača, itd.), a prije zaključenja ugovora sa najpovoljnijim ponuđačem/ima, Vladi Kantona dostavi konačan tekst prijedloga odluke/a o zaduženju Zeničko-dobojskog kantona sa svim elementima zaduženja, u skladu sa članom 21. stav 5. Zakona o dugu, zaduživanju i garancijama u Federaciji Bosne i Hercegovine.

Član 5.

(Stupanje na snagu)

Ova odluka stupa na snagu danom donošenja i objavit će se u “Službenim novinama Zeničko-dobojskog kantona.”.

Broj: 02-11-9955/24

Datum, 24.05.2024. godine

Zenica

PREMIJER

Nezir Pivić

DOSTAVLJENO:

1x Ministarstvo finansija,

1x Služba za zajedničke poslove,

1x Skupština Kantona - na uvid,

1x “Službene novine Zeničko-dobojskog kantona”,

1x a/a.